



## **24. ORDENANTZA FISKALA, UDALERRIKO BIDE PUBLIKOETAKO LURZORUAREN, ZORUPEAREN EDO LURGAINAREN ERABILERA EDO APROBETXAMENDU BEREZIAGATIK ORDAINDU BEHARREKO TASA ARAUTZEN DUENA.**

### **I. XEDAPEN OROKORRAK.**

#### **1. ARTIKULUA**

Erandioko Udalak tasak ezartzen eta eskatzen ditu udalerriko bideetako lurzoruaren, zorupearen eta lurgainaren bakarreko erabilera edo aprobetxamendu bereziagatik, Ordenantza honetan xedatuaren arabera eta Bizkaiko Lurralde Historikoko Toki Ogasunak arautzen dituen Foru Arauan ezarritakoarekin bat etorriz. Ordenantzaren eranskinean jasotzen dira aplikagarri diren tarifak.

#### **2. ARTIKULUA**

Ordenantza hau udal mugarte osoan aplikatuko da.

### **II. ZERGAGAIA**

#### **3. ARTIKULUA**

Honakoa da zergagaia: udalerriko bide publikoetako lurzoruaren, zorupearen edo lurgainaren bakarreko erabilera edo aprobetxamendu berezia egitea interesatuaren onerako.

### **III. SUBJEKTU PASIBOA**

#### **4. ARTIKULU**

1. Ondorengo hauek ditugu, zergadun modura, tasaren subjektu pasibo: pertsona fisikoak, pertsona juridikoak eta Bizkiko Lurralde Historikoko Zergei buruzko Foru Arau Orokorraren 34. eta 35. artikuluetan aipatutako erakundeak baldin eta bide publikoetako lurzoruaren, zorupearen edo lurgainaren erabilera edo aprobetxamendu berezia egiten badute.

2. Ez dute Tasa hau ordaindu beharrik izango herri administrazioek, autonomia erkidegoek eta toki erakundeek zuzenean ustiatzen dituzten komunikazioen zerbitzu publikoei dagozkien aprobetxamenduengatik eta nazio-segurtasun edo nazio-defentsaren intereseko direnengatik.

### **IV. ZERGA OINARRIA**

#### **5. ARTIKULUA**

Tasaren zerga-oinarria izango da udalerrriaren jabari publikoaren bakarreko erabilera edo aprobetxamendu berezia gauzatzeko unitate bakoitza, Eranskinean adierazitako modura.

### **V. KUOTA**

## **6. ARTIKULUA**

1. Eranskinean adierazitako tarifak aplikatuz zehaztuko da zerga kuota.
2. Bakarreko erabilera edo aprobetxamendu bereziak udalerriko jabari publikoko ondasunak suntsitzea edo narriatzea badakar berekin, onuradunak haiek berreraikitze edo konpontzeko gastu osoa ordaindu beharko du eta zenbatekoa lanei ekin aurretik jarri beharko du; horrez gainera tasa ordaindu beharko du.

Kalteak konponezinak badira, Udalak kalte-ordaina jasoko du. Kalte-ordainaren zenbatekoa suntsitutako ondasunen balioa edo narriadurari dagokiona izango da.

Udalak ezin ditu barkatu idatz-zati honetan adierazitako kalte-ordainak eta itzulketak, ez osorik, ez zati bat.

## **VI. SORTZAPENA ETA ZERGALDIA**

### **7. ARTIKULUA**

1.- Udalerriko bide publikoetako lurzorua, zorupearen edo lurgainaren bakarreko erabilera edo aprobetxamendu bereziagatik ordaindu beharreko tasa zergagaiaren arabera sortuko da: batzuetan bakarreko erabilera zein aprobetxamendu berezia hasten denean, eta dagokion zenbateko osoa edo zati bat aurretiaz ordaintzeko eska daiteke kasu horietan; besteetan, espedienteari zein jarduketari hasiera ematen dion eskabidea aurkezten denean, eta ez da jarduketa gauzatuko ez espedientea tramitatuko dagokion ordainketa egin gabe.

2.- Tasa aldiro sortzekoa denean, urtarrilaren batean sortuko da, urtero, eta zergaldiak urte osoa hartuko du, bakarreko erabilera edo aprobetxamendu bereziaren hasieran edo amaieran izan ezik. Halakoetan, zergaldia egokitu egingo da kuota hainbanatuaz, Eranskinean adierazitakoaren arabera.

3.- Subjektu pasiboari egotzi ezin zaizkion arrazoiengatik jabaritza publikoaren aprobetxamendua ezin baliatu edo garatu bada, tasaren zenbatekoa itzuli egingo da.

## **VII. LIKIDAZIOA ETA SARRERA**

### **8. ARTIKULUA**

Kontzeptu bakoitzari dagokion likidazioa egingo du Udalak eta Eranskinean adierazitako arauei jarraituz egingo da bidezko den ordainketa.

## **VIII. TASEN KUDEAKETA**

### **9. ARTIKULUA**

Ordenantza honetan araututako tasen kudeaketa, likidazioa, bilketa eta ikuskaritzari dagokionez, Lurralde Historikoko Foru Arau Orokorrak eta Ordenantza Fiskal Orokorrak ezarritakoa aplikatuko da.

### **10. ARTIKULUA**

Zergen arloko arau-hausteak, haien sailkapena eta dagozkien zehapenak direla eta, Zergei buruzko Foru Arau Orokorrean eta Ordenantza Fiskal Orokorrean xedatutakoa beteko da.

### **IX. XEDAPEN GEHIGARRIA**

Aurrekontuei buruzko Foru Arauen bidez zein zuzenean aplikagarri diren bestelako arau edo xedapenen bidez Tasaren araubidean gertatzen diren aldaketek Ordenantza Fiskal honen aldaketa eragingo dute, besterik gabe.

### **X. AZKEN XEDAPENA**

Honako Ordenantza hau 2008ko urriaren 29an izandako Osoko Bilkuran aldatu du Udalbatza Osoak, eta 2009ko urtarrilaren lehenetik sortuko ditu ondorioak, harik eta aldatzea edo indargabetzea erabaki arte. Ordenantza fiskal honen zati bat aldatuz gero, aldatu gabeko gainontzeko artikuluek indarrean iraungo dute.

### **ERANSKINA**

- 1.- Kableak, hodiak, errailak, erregistro eta banaketa kutxak eta antzeko elementuak:  
Metro karratu edo zatiko eta hilabeteko edo zatiko.....3,15 €
- 2.- Behatokiak, galeriak eta balkoiak:  
Metro karratu edo zatiko eta hilabeteko edo zatiko.....1,40 €
- 3.- Ondasunak eta zerbitzuak saltzeko aparailu automatikoak, txanpenez eragindakoak:  
Metro karratu edo zatiko eta hilabeteko edo zatiko.....4,15 €
- 4.- Merkataritza-helburua edo antzekoa duten iragarkiak, hurrengo zenbakian sartutakoak izan ezik:  
Metro karratu edo zatiko eta hilabeteko edo zatiko.....5,10 €
- 5.- Aurreko zenbakiko iragarkiak, baina euskaraz:  
Metro karratu edo zatiko eta hilabeteko edo zatiko.....2,60 €
- 6.- Mahai, mahaitxo, aulki, zoladura, lorontzi, eguzkitako eta antzeko instalazioak:  
Metro karratu edo zatiko eta urteko.....11,15 €
- 7.- Hondakinak edo materialak biltzeko ontziak:  
10 egun bete arte, metro karratu edo zatiko .....5,20 €  
11-15 egun bete arte, metro karratu edo zatiko .....10,75 €  
16-30 egun bete arte, metro karratu edo zatiko .....15,95 €
- 8.- Gasolina, olioak eta antzekoak hornitzeko instalazioen edo aparailuen bidezko lurzorua aprobetxamendua:  
Metro karratu edo zatiko eta hilabeteko edo zatiko.....3,10 €
- 9.- Gasolina, olioak eta antzekoak hornitzeko instalazio edo aparailuen bidezko lurrazpiaren aprobetxamendua:  
Metro karratu edo zatiko eta hilabeteko edo zatiko.....2,70 €



10.- Lokal eta establezimenduen barrualdetik zuzenean bide publikora edozein artikulua salduaz eta bide publikoa negozioarako erabiliaz egiten den lurzorua aprobetxamendua:  
Metro karratu edo zatiko eta hilabeteko edo zatiko.....5,50 €